



PRIPADNICI **SIPA** U SARAJEVU BRANKI ŠEKARIĆ ODUZELI RAČUNAR

Preko Facebooka odavala zaštićene svjedoke

D. TOVILOVIĆ

SARAJEVO - Pripadnici **SIPA** izuzeli su u Sarajevu po nalogu Tužilaštva BiH računar Branke Šekarić (40), supruge Dragana Šekarića zvanog Pive, zbog sumnje da je putem društvenih mreža odala identitet zaštićenog svjedoka u predmetu

ratnog zločina koji se vodi protiv njega.

U Tužilaštvu BiH su rekli kako su u pretresu oduzeti i neki drugi predmeti koji će se koristiti protiv nje. "Odlučni smo da se suprotstavimo bilo kakvim oblicima ometanja rada pravosuda, otkrivanja identiteta zaštićenih svjedoka i ugrožavanja sigurnosti

svjedoka i žrtava u predmetima ratnih zločina", poručili su.

Dragan Šekarić je, inače, pravosnažno osuđen na 17 godina zatvora zbog ratnih zločina na području Višegrada, a takode u drugom predmetu koji je u toku sudi mu se za učešće u otmici i ubistvu putnika iz voza u stanici Štrpci, u februaru 1993. godine.



Prvostepenom presudom bio je osuđen na 14 godina zatvora, ali je ona kasnije preinačena.

Njegova supruga burno je reagovala u februaru kada je saznala da će joj muž na dugogodišnju robiju. Tada je putem Facebooka brutalno izvrijedala Bakiru Hasečić, predsjednicu Udruženja "Žena - žrtva rata".